

北京圖書館出版社

清末時事采新集選

第十冊



(清末)時事采新彙選

第十冊

北京圖書館出版社

時事采新彙選

光緒二十五年

光緒三十年五月二十六日

兵部太僕寺廂白旗值日無引 見 裕中堂等

查看標識覆 命 前安徽學政壽耆百日孝滿

請 安 振貝子敬中堂各續假十日 成鶴預

備 召見 侍衛處奏派 保和殿監試之王大

臣 派出頭班那王芬車宗公松壽恩福 二班

桂公訥欽泰卓凌阿世梁烏拉喜春 掌儀司奏初

一日祭 奉先殿洵貝勒行禮

召見軍機 成鶴 隆恩

五月分教職單 教授福建福州吳拾元邵武歲湖

南衡州涂景濂長沙甲 正諭山西猗氏董猶龍平

諭旨恭錄

光緒甲辰五月二十六日

一

陽江西豐城顧沛泉廣信湖北均州吳桂華黃州四

川冕寧湯必治潼川雲南安寧張舜庭臨安俱舉

訓導奉天平康賈完璞奉天優直隸武強江志澄大

名挨直隸行唐張奉先順天江蘇桃源葉夢熊蘇州

安徽盱眙查秉鈞寧國俱舉山西五台王爾申汾州

挨江西武寧蔡嘉謀饒州湖北枝江劉煥奎黃州四

川通江張錫祺成都南川唐培齡嘉定彭縣王淵叙

州廣東封川陳植渠廣州樂昌宗澍助廣州和平葉

樹階肇慶俱舉 復諭江蘇贛榆陸壽祉蘇州恩河

南商水高錚衛輝浙江青田孫兆麟杭州俱附江西

龍泉張學滋南昌上猶許宗泰南昌廣東臨高陳天

叙雷州俱舉廣西興業馮載廣潯州隆安陽壽祺桂

林懷遠傅樹疇桂林俱舉 復訓直隸遵化王守倫

易州廩山西潞安楊敏積平陽附絳州史隨登蒲州

河南睢州師麗南陝州湖南清泉余宗岱長沙俱廩

湖南長沙彭德樹岳州舉江西龍南丁應松南昌增

廣東潮陽潘昭翰廣州附東莞馮祖禧肇慶四川潼

川羅現順慶俱廩雲南昆陽吳崇烈臨安副

諭旨恭錄

光緒甲辰五月二十六日

二

演說戰役譯聞 錄五月初七日新聞報

日本陸軍省次官陸軍少將石本於六月六日 華四月二十三日 午後於帝國航海會演說南山戰役當演說之際海軍大將伊東海軍大將伊集院海軍大將齋藤及顯官百人臨場聽講其演說之詞如下 南山居青泥窪及金州之間該處之地峽祇寬四啟羅邁當但金州灣之水傍岸之處甚淺兵卒可以步涉而過此亦十年前我軍攻旅順時華兵亦曾由此步涉而過者也然其中之深淺亦視當時潮水之漲退而定非能時常一律而論者也南山之巔已由俄軍造就極堅之炮臺然炮臺有暫時永久之分其所謂永久之炮臺者乃以鐵磚石或三合土造

時事采新彙選 第六卷

甲辰五月廿六日刊

成於承平之際費巨資興大工而經營之者其所謂暫時之炮臺者乃於日俄決裂之際命其工兵隊築成者今南山所有砲臺皆屬暫時之一種 今日歐洲砲官皆願築暫時砲臺而不欲多築永久之砲臺因戰時大局時變非永久之砲臺之所能制勝不若暫時之砲臺可以按戰時大局築造而利於用也歐洲砲官有鑒於此故有將其永久之砲臺拆毀者今俄軍之築暫時砲臺而守南山其始因此而施行與否則吾不能知然以余意度之無非戰事緊逼不得不以此等砲臺守之而已 今人有以普法戰事之中擇其大局相似者而於我軍在南山之戰相比以余觀之不若以一千八百七十七年俄在普利夫那之

戰與之相較為宜也當此之際土軍於普利夫那防守甚疎及至勢急亦無久守之意其時俄軍進攻數次皆為土軍堅壁之兵擊退及至俄軍復行定計攻之土軍之軍勢已增卒使俄軍不能越雷池一步雖竭其全力以搗之終不能遂其願也俄軍後於不得已之時出其全力圍攻之所失甚眾延時甚久卒不能下設使我軍第一日攻南山不下則第二日益難攻下矣如一日不下俄人多一日之防備我軍愈懈則俄防愈堅俄軍守之愈堅則我軍之去旅順愈遠此為勢所必然之理我國之用軍者有鑒於此故第一日即相其要隘竭力攻之得以一鼓而下所以犧牲於此役者最眾然不能兼顧及此者也 是役敵軍架

時事采新彙選 第六卷

甲辰五月廿六日刊

於高邱之炮得力甚大且其所設之鐵絲網亦為最近之防備足以保護來彈之炸裂其功力亦未嘗不大加以所設之鐵絲網皆織於三四尺高之木柱上有十五尺或二十尺之寬綿延數百碼之長又非我步兵所能衝入凡能阻軍隊之衝突者莫有過於此物者也且俄軍並不以網將其全地圍攔每段必留餘隙以作其兵出擊之道如我軍由其隙處進攻又必為其速射砲所擊我軍指揮官籌思再四不得不預先設法先使敵軍之炮火沈默然後再發步兵上前衝突而步軍發出之際又不得不使工兵在前開路攜帶剪刀器具剪斷其網以便步兵前進其時我工兵於槍林彈雨之中當此要任難免不犧牲多人於

陣前者也。有人言南山之役我軍如以他法取之不致失兵如是之眾要知我軍稍有懷疑不決之處當時亦難獲此大功如不各存犧牲其命之見斷難免蹈俄人於普里夫那之弊其時不但不能奏此大功恐死傷之數尙不止此也。又有以俄軍當以大軍守南關嶺不必以重兵守南山之說出此言者未免過急要知此等問題非知俄軍之勢則不能定也。如斯時俄軍之勢果足自必堅守南關嶺較勝於南山但按俄軍電詳南山戰役之公報俄軍之守南關嶺不過藉此示威於我故知其軍有不足分派之勢故守南山因南山易守非若南關嶺非重兵不守也但以此觀之俄軍實已注重南山以阻我軍之進路然其防

時事彙選第六卷

三 甲辰五月廿六日刊

務亦未嘗不備也其時以遼東半島之大勢觀之俄軍不能不以死力而拒我軍之前進及至對壘之際果不出我所料其時雖由我砲兵死戰而敵軍不顧亦出其全力以拒我當我軍未下南山之際歐洲之精於武備者皆謂我軍不能離南山然我軍苦戰十六時而卒破之此出於世界軍事專家意料之外者也

論購產息

錄五月初八日新聞報

中國失權之事罄竹難書不知者輒謂外人乘我國力不敵挾其堅船利砲激我以無禮之要求懼我以必從之勢力幾疑外人不守約章而其實召侮挑釁實辦理外交者予外人以口實授外人以瑕隙而外人遂各存一得隲望

蜀之心刮肉及骨之想以致交涉愈形棘手而中國遂從此多事有心人痛國權之旁落憤外侮之迭呈未嘗不嘆辦理外交者之自貽伊戚也本報彙記購產息事一稟記者誠有不能爲浙江會稽縣寬其罪者查中國賣絕杜契本無回贖之例孟姓之產出典張姓既已由典找杜實爲賣絕之契孟憲章以所爭房屋賣與外人兼將張姓杜絕之地一併轉售外人執有印據爲憑及期拆屋張姓以杜絕之地並未出立契據且未得售價不允拆遷該縣以地有糾葛不允投稅相持不下者多日矣不料該縣近奉浙撫秉公辦理之電示張皇無措既恐失外人之歡心又懼受大憲之嚴譴迫不得已婉商張姓先行籌墊五百金發

時事彙選第六卷

四 甲辰五月廿六日刊

交張姓具領地歸外人管業遷就了案嗚呼讀其通稟撫憲詳文一則曰昕夕焦心再則曰竭三晝夜之力始得曲爲周全三則曰勸之不聽爭之爲難四則曰幾釀大衅一若此案辦理有艱難萬狀者一若此案不如此辦理必有外患者未復以思患預防通詳立案顯卸辦理不善之咎陰居見好外人之功而於孟憲章盜賣他人杜絕之產不提一字跡其種種荒謬以致草率辦理此等人使之居官辦理交涉之事安得不斷送固有之國權耶查西國杜絕之產亦從無回贖之例盜賣他人之產售主亦無強行管業之權西國通例大率如此查教堂售地必先知查考明確公產亦不能誤買也在該縣辦理此案以爲使兩造悅

服化有事爲無事方自詡爲外交通才立案防患借此以
頭岬端復自詡爲內政能吏不知固有之國權已爲該縣
喪失於冥冥之中矣夫盜賣他人之產地方官墊款了案
此端一開相率效尤竊恐地方官自此以後不知墊幾許
巨款始能了盜賣之案也即使立案轉行外人視若無睹
其誰導從之乎即能遵從矣不買盜賣他人之地安知不
買盜賣類於土地者乎設使有人於此與人有仇希圖洩
忿或盜賣他人之巨肆約值數千金約值數萬金地方官
詐墊此巨款息事耶抑或盜賣他人之寶物約值數十萬
金約值數百萬金地方官能墊此巨款息事耶凡非己之
所有重新贖售而盜賣與外人皆張姓絕產之類也必一

時事采新彙選 第六卷

五 甲辰五月廿六日刊

一墊款息事吾知將來交涉誠有如該縣所言恐爭端從
此而開者後患尙可防哉故蒙於此案不咎外人之恃勢
而但咎該知縣不能辦理此等之交涉進退維谷左右兩
難墊款了案不得已作此掩耳盜鈴之舉亦甚可憐已變
本加厲勢所必然設由此釀成進寸思尺之禍則該縣實
爲作俑之魁也而況外人今日挾莫大之財謀我中國之
寶產齊至紛來幾有迎接不暇之勢彼逐臭如孟憲章其
人者甚多日挾一盜賣之心者亦復不少大可危也吁盜
賣民產墊款了矣產且屬之外人若夫盜賣國產而爲外
人所握者雖罄金穴以贖之必不我允其害當何如乎言
念及此吾不能不爲之悚且懼焉

論日設總司令官 五月十一日新聞報

昨報論日本之設滿洲總督謂自表面觀之雖與俄人之
設遠東總督相同其實俄設於承平之時實存佔據之心
日設於戰事之時或以保事務之利將來軍務既平撤還
總督未可知也及昨日酉刻接東京專電謂日本元帥陸
軍大將參謀總長大山巖奉日皇命派爲滿洲軍總司令
官乃知日本之派大山巖至滿洲爲日軍總司令官猶之
俄國之派哥魯伯尊至滿洲爲俄軍總司令官而與俄國
之派阿勒克雪夫爲遠東總督大異是則前報所載東京
來電日本政府派陸軍大將大山巖爲滿洲總督兼大元
帥之說實有誤傳之處而吾所謂日本爲軍務利而起見
時事采新彙選 第六卷

六 甲辰五月廿六日刊

將來軍務既平即行撤還殆無可疑也總督之權鎮守地
方兼理民政而總司令官不過總理軍務而已日本既避
總督之名而不居誠可以自表其不利吾土地之心矣雖
然吾苟因其所設者爲總司令官並非總督遂復酣嬉歌
舞以爲日本必還吾滿洲是亦昧於時局之論夫日本之
還我滿洲與否豈繫於總督與總司令官之別耶將來戰
罷之後日本若見各國有瓜分中國之意則雖設總督亦
必撤歸而還我滿洲若見俄國悔禍之心未真則雖不設
總督亦有難於還我滿洲之勢蓋恐今日還我而明日又
爲俄人所有也故曰日本之還我滿洲與否決之於開戰
之初定之於戰罷之後而不繫於今日之舉也吾昔嘗

逆臆滿洲之將來意謂戰罷之後日本不致於不還吾滿洲一則不肯受食言之謂二則不肯敗瓜分之禍也亦不肯全還吾滿洲一須有以對海陸之軍士二須有以償損失之軍費三須有以戢俄人之野心也是故滿洲之將來必致地爲中國之地官爲中國之官民爲中國之民而兵爲日本之兵然則所謂總司令官者反有永遠不撤之勢也夫以中國之地而日本戍兵以守之其兵費必出於中國中國出兵費以養日本之兵孰若出兵費以養本國之兵關懷時局者所以有中國當在滿洲練兵之議然而日本必不肯信中國自練之兵可以抵制俄人則戰罷之後藉口防俄酌派日兵以戍守之吾仍無對付之策夫欲取

時事采新彙選 第六卷

七 甲辰五月廿六日刊

信於日本惟有請日本教習在滿洲代練華兵而已雖借材異地不可爲訓然較之歲出兵費以養日本之兵固爲彼善於此也方今練兵處大半聘用日本將校爲教習並派留學日本畢業生爲監督何獨於滿洲而靳之蓋吾必有以取信於日本然後戰罷之後日本既有還吾滿洲之名不必有成兵滿洲之實而總司令官可以撤歸否則滿洲日兵一日不撤即總司令官一日不歸其能以電文之各異而酣嬉歌舞歟

恭讀十四日 錄五月十九日順大時報

上諭仰見

兩宮厘念民瘼整頓吏治之至意無微不至欽感莫名然

有澄清天下之志而不驅除官制之弊雖

聖意望治甚殷其如官民終隔膜何故欲天下之治必先改官之制欲民之治必先尊州縣之權非然者文諸徒殞恐於治術無裨也夫民爲邦之本也州縣親民之官也乃朝廷以治民之事而責之督撫督撫以治民之事責之道府道府以治民之事責之州縣州縣權微位卑其賢者即欲興一利除一弊而層層箝制詳稟往反每以不合上意而止民安得治其不肖者以捐納來以貪賄去不惜損民脂膏以逢迎上憲而民安得治其賢愚半者時亦有潔己愛民之意而又播弄於刁紳假手於肯幕而民安得治故數年以來

時事采新彙選 第六卷

八 甲辰五月廿六日刊

朝廷恤民之詔屢矣各省課吏之館設矣乃官吏之貪婪如故民生之凋敝如故刑獄之不平如故諺曰魚多水濁官多民亂是州縣之制宜改良也存督撫藩臬數缺尊州縣之秩而中縣之道府裁之仿明張居正久任之法使州縣與民相親仿漢縣令有政聲可直至晉封關內侯不遷其地仿日本縣知事可直升爲大臣以重其秩州縣官由紳民公舉選之辦理地方政治由衆鄉矜公會議之民既有公舉之權則有司必委曲而取愛於民州縣既權尊而位重則與革地方政治自易措置或曰有治法無治人然治法不立雖有治人亦無著手處也然改外任之官制宜

先自朝廷始廢軍機處事宜一歸內閣以六部尚書組織之置總裁一人政務處亦併歸內閣總裁轄之以備咨詢政務之用所以昭置一也以都察院置於皇上直屬之下專掌彈劾各省官之不法及檢查天下之財政所以防弊也此中央政府組織大略至其詳細辦法尙難枚舉如宮廷一切用度歸內務府總管與政治上不相干涉至外省州縣政聲卓著者官由督撫年終彙奏

皇上舉行召見賜燕慰勞之典漢文帝曰與我治天下者唯良二千石其重親民之官可見一斑若不如改變恐上有廬念民瘼之意下無實力奉行之官卽如時事采新彙選 第九 甲辰五月廿六日刊

永定河沿堤春時例有栽楊柳一稟由道憲派委勘驗乃楊柳不栽只以一稟了乃公事派委驗時例給驗費若干而委員卽置不問此事雖小亦甚政一端若如上諭云云任督撫年終彙列州縣事績上聞恐將來亦如栽楊柳例文已耳誠能改變官制重親民之官以尊州縣之權則歐西文明之治不難同日語矣

光緒三十年五月二十七日

刑部都察院大理寺廂紅旗值日兵部引 見四十四名工部四名都察院四名廂黃蒙二名

召見軍機 陸潤庠 鐵良

上諭朕欽奉

慈禧端佑康頤昭豫莊誠壽恭欽獻

崇熙皇太后懿旨現在物力維艱自應力除冗濫用資整頓前已迭降諭旨飭裁冗員浮費而內外因循瞻顧未能實力奉行茲特嚴申詰誡樹之風聲所有粵海關淮安關兩監督著卽行裁撤其粵海關一切事務着歸併兩廣總督管理切實整頓江甯蘇州兩織造同在一省著卽將江甯織造裁撤凡京外各項差缺有應行裁

諭旨恭錄

光緒甲辰五月二十七日

汰歸併者著各部院堂官及各省將軍督撫破除情面認真釐剔奏明裁併以節虛糜而昭核實欽此

上諭朕欽奉

慈禧端佑康頤昭豫莊誠壽恭欽獻

崇熙皇太后懿旨方今大局艱危民生困敝全在君臣上下實心實政屏絕浮文力除積習庶幾挽回氣數使吾民登衽席之安上年皇帝率王公百官以七旬萬壽顯懇崇上徽號及內外臣工請報効壽俸同仲慶祝業經降旨剴切宣示均未俞允昨皇帝復以萬壽屆期皇帝應呈進奉爲請再三跪懇具見孝養之誠惟值此時事多艱日俄兩國兵事未定我東三省境內人民方在流離顛沛之中廣西叛匪披猖生靈屢遭荼毒其餘完

善各省亦復疲於捐派民力難堪滿目瘡痍深宮無日不爲引疚豈尙忍以百姓之脂膏供一人之逸豫此次皇帝所請仍不准行本年萬壽所有臣工筵宴著即停止各省將軍督撫以下等官均毋庸奏請來京祝嘏京外文武諸臣並一概不准進獻從前巡幸西安服御缺乏各省疆吏齎進方物鑒其忱悃是以賞收乃回鑾以後或猶相沿不已踵事增華實非宮廷所願徒以優禮大臣未便顯加屏斥嗣後著將此等進獻概行停免以杜虛糜總之皇帝當以圖治安民爲孝諸臣當以匡時體國爲忠宵旰憂勞正宜交相咨儆內外臣工其各修職業各矢血誠於籌餉練兵興學育才以及農商工藝

諭旨恭錄

光緒甲辰五月二十七日

二

諸要政凡有裨於民生者合力振興切實整頓用以宏濟艱難俾天下蒼生咸樂昇平而躋仁壽是則予之所厚望也將此通諭知之欽此

論說滿洲總督事

錄五月十九日順天時報

自日本設滿洲總督華人異議叢生滋疑實甚茲覽同文滬報所論意義正大足破俗人之惑故本社獨採錄以供閱報諸君覽

比者我日本天皇命陸軍大將大山元帥爲滿洲總督而以兒玉大將爲之參謀中國無識之人聞而訝之群相揣測而不得其故遂妄爲疑駭以謂我日本此舉殆有陰謀詭計寓夫其間或者且以俄人之命阿列克休爲遠東總督事等量齊觀指爲我日本謀佔滿洲之見端端惴然慮我日本卽戰勝俄國奪回滿洲亦必因而自據有之必不肯復還諸中國噫此直管窺蠡測之見於我日本執仁仗時事采新彙選卷六卷

甲辰五月廿七日刊

義之本心曾未夢見而於我日本臨機制變之妙用亦未究察私心誤會乃以小人之心度君子之心竟欲以俄人棄禮蔑義無異野蠻之所爲者以相比擬抑亦不諒之甚矣爰特不自憚煩於我日本所以設立滿洲總督之故推求而闡發之爲無識者告冀有以祛其惑而釋其疑焉滿洲總督之設非他則以今茲戰事方殷曠日持久誠不能測其所底止而我日本用兵彼土爲克敵致果計遣發日增爲數已甚多然大軍紛出我武維揚如澳之滅胡分道者五將軍唐之討賊萃師者九節度風馳雲涌虎步龍驤其人既衆其勢易渙我天皇深謀遠慮料事知幾爰設總督以運其樞以挽其大主輻以軸而輪之轉乃捷聯目以

綱而綱之用以宏然後三軍有主萬衆一心如手使臂如臂使指推斯用意專爲軍事若彼俄人之設遠東總督也乃在平常無事之時以統地方政治之事凡兵刑財賦之端進退賞罰之柄皆所綜持不稍假借且許其受優等之接待假無上之大權故示尊崇欲行壓制蓋不以友邦待中國而以屬地視滿洲狃於既深鯨吞是肆者茲兩舉雖同一名其意迥殊其名大異要未可同年而語矣又況此次之戰釁由俄啟我日本降心相就與之協商冀稍遏其貪殘相與保此平世乃俄人祇圖利己不顧損人驕蹇唯侈然自大輕藐日本欺人太甚迫不得已乃動干戈祇存保我權利之思並無利人土地之志故開戰之始輒嘗公

時事采新彙選第六卷

二 甲辰五月廿七日刊

言布告剖示本衷謂於滿洲必不佔踞俟驅逐彼俄人即交還於中國如彼不義決不效尤前言既出金石不逾至道所存鬼神可質夫豈肯見利忘恥中道改心已欺欺人出爾返爾襲俄人之故智步俄人之後塵以義始者以利終者哉觀於昨報所紀東京專電稱爲總司令官日並無總督之名而所簡命者不在他員而特在陸軍將帥兒玉大山二君則其專爲軍事而設益顯然矣或者又謂日本即見義勇爲當仁不讓亦何至出其死力爲人保國戰後還地或不盡然抑知日本之與中國誼則兄弟勢則輔車關繫之切非他國比爲中國即爲東亞亦即所以爲日本故今者之戰擢彼凶醜保茲三省利中國即利東亞亦即

所以利日本自利利他釋氏大乘之妙義也拘墟者竭足以語於此步我日本眞實無妄有言必踐與彼爲鬼爲蜮之俄判若黑白凡屬中人尙其知所信賴勿輕搖惑而無事自擾焉可耳

直督袁飭課吏館司道查照姚丞條陳切實整頓札

爲札勸事據准種天津河防同知姚丞稟陳整頓課吏辦法請查核訓示等情到本督部堂據此除批據稟已悉所擬甚有見地候行課吏館司道查照切實整頓務收實效等因印發外合行札勸札到該司道等即便查照辦理此札

時事采新彙選第六卷

三 甲辰五月廿七日刊

姚丞康之整頓課吏條陳稟並批

敬稟者竊維教育之道在乎學有指歸仕學之方在乎明體達用固不必博聞強記盡是通材泥守成規乃爲良吏也今候補各員流品日淆或自正途或由捐納雖不無有志之士而終鮮濟世之才何也出身不自學堂學業皆無程度使治一方不聞異政試按一事未見其長豈盡才有所不能蓋緣學有所不逮也嘗聞天下無廢物人生無棄材蓋物不裁成則天下無適用之物材不就範則天下無可用之材譬如大將治兵練一兵即得一兵之用又如良醫製葯蓄一藥即收一藥之功育材之端亦猶此也伏維宮保勵精圖治百度俱新設課吏以拔人才懸優獎而資

激勵凡在寮末欽佩莫名且以屢列前茅立子差缺期望之志不為不殷學分四類任占一門體恤之心不為不厚應收得人之效宜見傑出之才而事有不合理或未至豈立法過寬與抑引導有失富與官效改良之意略加通變之權卑職孤陋寡聞悞蒙培植愚衷一得未敢緘默狂警之言冀垂鑒察今者課吏分列四門曰政治曰洋務曰河工曰財賦每逢考試之日任人各占一題題目稍難輒存趨避乃有向習政治者忽占洋務向習財賦者忽占河工至於住館各員均有日記亦是隨意記載並無注意攻研如此則志趣不堅心無所適以此為學學必無成以此論才才何能就況值時事浩繁需材孔急若僅徒事虛

時事采新彙選 第六卷

四 甲辰五月廿七日刊

文輒恐難期治理擬請損益舊章嚴定功課不准避難就易不准任意擇題住館各員尤應分門學習所著日記勿得隱等以求故言西學者悉貴專門講教育者先定宗旨貴專門則易精其業定宗旨則志慮不移若專門政治而政治之端甚難教民養民即宗旨也專門洋務而洋務之端甚難抵制外人即宗旨也專門河工而河工之端甚難水利富國即宗旨也專門財賦而財賦之端甚難開源節流即宗旨也果使殫心竭力精益求精庶幾準的在心又明日進不特此也更有請者今夫交涉之端乃是當時急務徵諸西學亦為專門故修約章以聯邦交著公法以弭爭衅治外之法悉在於茲是為牧民者應讀之書亦為牧

民者應盡之責今之官吏未嘗不知公法未嘗不講約章然徒知公法約章之名而不知公法約章之用諸多忽略不假深思及夫事起倉皇案關交涉聽斷則猶疑不決臨時則諮訪幕賓措置乖方動輒得咎事機貽誤鮮不由斯宜於四科之外更添交涉一門飭令候補各員務宜悉心研究熟讀公法詳解約章或按朔望之期或逢三八之日由課吏總辦傳集各員博議詳參必求明析義存教誨必須設疑以命題學在師承何妨執經而問難盡以律書之旨又意逐深章句之間不容疏忽若不詳加考核恐終不得其情古云溫故知新又曰迎刃而解事熟而新理生矣技熟而迎刃解矣道雖異趣理則同歸誠能實力奉行學

時事采新彙選 第六卷

五 甲辰五月廿七日刊

而不解不出數載盡是成材或遇外侮富前何難相戰應對未始非課吏之一道自強之一端敬陳管窺不勝惶悚是否有當仰祈 宮保訓示批 據稟已悉所擬甚有見地候行課吏館司道查照切實整頓務收實效此繳

議改兵制論 五月十二日新聞報

中國自禁烟開釐以後天津之役白門之役法越之役甲午之役庚子之役每戰輒敗雖由外人挾其堅船利炮台以圖我衆寡之勢不敵強弱之勢不侔而其所以致敗之因則在武備之不振武備不振則在練法之不一律例朝廷已知外侮呈由於兵不能戰亟亟練兵為思患預防

之計誠屬今日至急之要務然合通國之兵制以觀或爲德操或爲英操或爲日操或爲中國自有之舊操法此營與彼營不同甲營又與乙營互異即僅就一省之兵制言之如江蘇練兵有習德操者有習英操者有習日本操者一省之中其操法已不能一律況合湘淮閩廣川豫諸省之兵制言之各爲風氣互有師承其操法更屬不能一律矣一旦徵調赴援口號不一步伐難齊將與兵不相習兵與將不相謀調遣不靈軍令誤會其不愜事者幾希故蒙於輸財自護策營有劃一兵制之論也未幾江南總臺官王君世綬通稟午帥一律改爲日本操法于帥深是其議札飭通省兵制一律改用日操以歸劃一而免歧談雖然時事采新彙選 第六卷

六 甲辰五月廿七日刊

江蘇之兵制一律矣而其餘各省未能一律也則雖日言練兵而操法不同終難收劃一之效近練兵處大臣與兵部會商整頓兵制有京外各兵一律仿照日本軍制之說嗚呼若能如此誠摺近日練兵之要矣夫中國兵制以不能劃一而債事今能一律改良專用日本之操法則此後當不致有參差之患兵可日強而記者之意尤有進焉蓋練兵宜求實際不可徒尚虛名若徒改從日操而於日本強兵之本原不能體會有其形式無其精神是務其虛名而不求其實際也其何能有濟乎練兵處知日本操法之美一律遵從未嘗不得日本操法之形式也而統兵諸員仍用從前腐敗不堪之宿將爲軍營之代表竊恐冠

餉缺額之弊仍不能清積弊不清即尙武之精神不振焉雖一律專用日操庸有益哉故此大改甲日操即當將從前營務諸積習一掃而空凡隊長士官必令在日本陸軍學校卒業生爲之而指麾官則須聘請日本有名望之武員爲之然必以親王爲之督將而以知兵大員爲之輔佐庶無太阿倒持之禍而後練一兵可收一兵之益急起直追未始非目前保全亞洲之策也慨自白種東趨勢不可遏黃種孱弱不能復文日本獨得先幾經營武備至三十餘年乃敢與俄人一決雖此後勝負之數難知而以三島之國與地面極大之國爭非兵力甚強烏能爲孤注一擲耶今 朝廷幡然變計以日本兵制爲法救急之策莫逾時事采新彙選 第六卷

七 甲辰五月廿七日刊

於此雖然尤有慮白人之勢盛矣非通國爲兵其勢必不能敵而兵制即改用日操仍恐不能抵禦竊願 朝廷化猜忌之見許自費學生能入日本武備學校尤願 朝廷混雜制之心許士民體操自闢演習軍場使通國之人無一不知武備而後乃能以亞洲之衆抵制歐美兩洲之衆也若請改用日操足能自立足能抵制而於自費學生不許習武有志士民不許操演則隸名軍籍者能有幾何試問此少數閑武備之人能當歐美兩洲方輿之勢乎不待智者而已可決矣倘或損忌如故雜制如故是不啻代白種預設範圍使黃種子孫終受白種之腹削虔劉永無脫離羈約之一日也哀哉嗟乎華人以屢敗爲各國所嘲笑

日人以驟勝爲各國所推尊 西人見日人則獎之見華人則唾之出洋歸者言之淚下 嫺笑不已勢將屠割我不知政府諸公一念及此其能痛心疾首急思變計乎抑僅改用日操自以爲得計而止乎

天津官銀號牌示 錄北洋官報

爲曉諭事照得銀號之設 宮保原以維持市面振興商務爲心近來銀根之緊各處皆同而出公家之款濟錢商之乏爲數至七十餘萬之鉅取息月僅五釐之微非 宮保恤商愛民軫念津郡初收爲此破格之舉曷能及此而市塵虧累已甚關閉時聞識者慨焉本督辦等受事以來體察情形市面之不興實由商務人才之

時事采新彙選 第六卷

八 甲辰五月廿七日刊

過乏雖亦有明於大體之人而究難多覩大半各懷自私之見遂忘可久之圖非射利而祇知架空即侈靡而罔知謹度以致紛紛虧閉誤已誤人推原其故總由無教無學所致夫貨殖之道貴在乘天之時因地之利順人之情我欲養其身家人孰不欲養其身家中國如是外國亦如是同居天覆地載之內宜存並生並育之心勿挾相戕相賊之念故大學生財之道無他術焉生之者衆食之者寡爲之者疾用之者舒如是則財星反是而財未有能足者也方今爲商戰之天下各國以商戰實皆以學戰每辦一事必設一學故商業學校尤爲外洋振興商務之基 宮保講求新政志在百廢俱興本

督辦等銀號備員亦有維持商務之責將欲挽回天津市面非開商智興商學不可而經費爲艱一時學堂尙難舉辦則莫若選商家子弟之長者數人前赴東洋入商業學校以爲儲材之計所需經費擬於銀號設法籌撥當此多事之秋庫帑萬絀本難及此而籌維再四商學一日不興商務一日不振有不得不奮迅圖之者前經稟陳 宮保仰蒙俯允爲此合行牌示仰天津商家知悉此次出洋子弟應令各商家各就所知公舉性質敦謹文理明晰西學粗通之子弟不得稍涉浮濫本督辦等認真考試亦不敢稍涉瞻徇總期送一人卽爲天津商務造成一有用之才庶他日獲收其效惟前據津

時事采新彙選 第六卷

九 甲辰五月廿七日刊

商聲稱此地商家舊習子弟認真讀書者少自應推廣凡士家子弟有願入商校者亦准與考務於暑假前及時選定暑假後旬日成行又商務之本維工與農故外洋以農工商爲實業本督辦等前與津紳嚴京堂等講求工藝設立實業研究所兼及農商演說三次不免程度皆低此次出洋子弟擬令學習商業並分習農業工業冀爲此後天津實業之倡實爲今日最急之務亦經陳明憲鑒除由本銀號會同工藝總局具詳並整理錢業議禁浮奢應俟剴切具陳再行曉諭外合併示知仰卽遵照特諭 一公舉子弟以性行敦謹文理明晰西學粗通者爲主 一習英文者須註明讀過英文第幾

本能否講解明白及繙譯短篇文件 習日文者須註明學過年期能否講解及繙譯 算學須註明學至何級 漢文須註明能作若干字論說 一年歲在十五歲以上二十五歲以下為合格 一公舉後即赴本銀號報名訂期面試 一士人子弟願入商業學校者亦准與者並送農業工業學校 一報名須開具籍貫三代名氏存歿並父親營業官職 一應考時須先具願書誓書保證書保證人一一公正紳士一般實商家一子弟以品行為先況經選派出洋尤關中國顏面如有犯規或為學不力者一經該學校開除所用官費若干應令按數追繳 一此次游學經費出自北洋公款

時事采新彙選 第六卷

十

甲辰五月廿七日刊

學生等既受北洋栽培卒業後應報効北洋由北洋分別錄用以供差五年為限在此限內非奉北洋允准不得他就 一報名自本月十八日起至本月二十七日止過期不錄

光緒三十年五月二十八日

工部鴻臚寺正藍旗值日無引

見 莊王麟公

葵公各假滿請 安

召見軍機 桂春

上諭袁世凱奏道員才猷卓著據實保荐請破格擢用一摺據稱直隸補用道陸嘉穀才長心細操潔品端前在山東將鹽漕各項核實濟公歲增進款百餘萬兩自調該員來直籌訂煙酒稅章程經營綜核歲收八十餘萬之多實屬卓著成效長蘆鹽運使汪瑞高著交袁世凱另行差委所遺之缺即以陸嘉穀署理責成該員認真整頓期收實效務於鹽務日有起色以裕國課而益民生欽此

諭旨恭錄

光緒甲辰五月二十八日

生欽此

旨巡視中城事務著陳恒慶去欽此
旨巡視南城事務著黃昌年去欽此

皖北墾務公司上南洋大臣稟並批 錄五月初十日濟南報

為集資購地設立公司改良農事呈請批飭立案事竊自頃年以來 廟堂之上 詔書疊下深以地利不興民生莫遂為目前財用匱乏之源諄勸士民講求穡事而海上憂時之士又復仰體仁憲廬念民依之至意相與糾集同志聯為農會繙譯新書纂為農報羣賢振奮於下大帥提倡於上流傳既廣風氣遂開邇來江浙之地固已日新月異頓改舊觀即黔滇秦晉之僻在邊徼者其習尚亦因之而不變置地設廠延師教稼幾於日有所聞此誠我國家阜財足民之休徵也乃皖省軫連吳越境跨江淮土厚水深夙稱沃壤值風氣大開之候獨不知則效仿行荒地時事采新彙選 第六卷

甲辰五月廿八日刊

童山彌望皆是棄利於地過問無人八皖情形如出一轍而弊大害深則皖北尤較皖南為更甚安廬之農以廣植禾稻為切務而水利之通塞不察焉鳳穎之農以漏種鴉片為得計而毒物之患害不防焉畜牧本淮民長技人以懶而劣種日滋棉麥為土產大宗地以瘠而出口漸少蠶桑之利十倍惜小費而不興林木之蔭百年憚片營而坐棄害不知避利不知趨斥以至愚豈為過論雖然易於樂成難於慮始凡民之情莫不類然皖北農事之不能遂有起色其實不在鄉愚而在士類士人平居既鄙農為賤業絕口不談蚩蚩之氓一丁莫識安知課雨問晴之外別有所謂農學哉職等籍隸蘇皖目擊情形深悉民智不開為

時事采新彙選 第六卷

甲辰五月廿八日刊

淮農之大患昨歲特於廬州等處創設皖北農學分會邀集同人贖書閱報求古人之成法研泰西之新理轉授鄉人冀廣傳播惟歐美農政考究之精製作之奇為吾國農民耳目所未聞見驟然語之莫不咤為誕妄蓋未經手試僅憑口說欲其信從勢所不能職等再四籌商僉謂欲濟此邦民智舍購地墾荒躬親穡事外別無辦法爰商紳富鳩集股本仿照皖南咸育墾務公司章程購置地畝設立皖北墾務公司與農會相輔而行一面開墾一面試種於中國之舊法則去其大弊於泰西之新法則擇其易行俟試驗有效再行普勸農民學習以為改良之地利有可睹人自爭趨伏查皖北各屬安廬則地密人稠無荒可墾鳳穎又僻在淮北轉運為艱惟滁和一帶荒地既多且濱臨大江水陸均便職等勘得滁州全椒縣西鄉龍塘澗中有湖荒一區計種約二百餘石平疇沃野一望無垠詢之土人知係民產沿澗之傍荒熟間雜者亦不下數千石雖肥磽不等然購以為畜牧樹藝之場亦頗合用本年春初業由職等携資至該地與該業戶商買其有願遵咸育公司稟准定價契賣者則照定價給付其不願者則與之通融酌辦現已購定荒熟地畝八十餘石其餘議而未定者仍可陸續添購二月初間即經赴縣存案雇役工丁設廠開辦廠中辦法略分三宗一曰種植廠專植棉麻瓜豆麥稻之屬灌溉培壅參用新舊兩法以備試驗一曰畜牧廠飼

養牛羊猪鷄鴨之屬以備孳生并取肥料一曰樹藝廠裁種各種樹木以圖永利至蠶桑一項自應另設專廠聘師教習若僅照尋常辦法不獨工粗種惡出產不佳亦且不能獲利職等擬先由杭州蠶學館聘卒業學生一員教授蠶事俟經費充足再聘日本蠶師教授以期精進惟是事經創辦規畫為難職等力薄人微渴克勝此艱鉅所賴仁憲時艱蒿目民瘼關心凡有利益民生之事無不方與保全今職等創設皖北墾務公司合無仰懇憲慈批准立案并札行滁州轉飭全椒縣給示保護俾遇事可以就近商辦不至孤立無援貽誤墾政也所有集股購地設立公司呈請批飭立案各緣由理合據實陳明是否有當伏乞時事采新彙選 第六卷 三 甲辰五月廿八日刊

批示祇遵上稟 批 查墾荒樹藝教育蠶桑均為目前當務之急據稟該職等現已集資於全椒地方仿照皖南咸育墾務公司章程購地設廠延師興辦係為開風氣而裕利源起見自應准其立案所請札州轉飭給示保護之處仰安藩司即飭該州縣查照核辦具覆稟并發仍繳紀上海商會演說辭 錄北洋官報

上海英界五馬路商會於上月二十九日邀請王丹揆張季直嚴又陵三君演說會紀前報茲將是日演說大要最錄如左 王君之言曰有個人之商業有社會之商業有國際之商業個人商業與社會商業其關係小國際商業其關係大今日萬國交通外國商業日盛皆不合全國人

之力講求抵制之策則商業必不可問而國力亦衰矣張君之言曰吾國人向不言商學商而有學在今日聞之則尋新名詞矣此由秦漢以後以商為末業不事講求故商業之衰至今日而極然考之上古大舜古之聖人也耕歷山漁雷澤陶河濱順時於貨夏以一人而農工商業皆身歷之豈非千古一大實業家耶且所居一年成聚二年成邑三年成都豈不以人人皆慕其能興實業故樂於相從耶工商之不能視為末於古可以徵之矣今日歐美商業日盛託辣斯之風潮將及我國吾人當力圖振興商業否則欲求為猶太人而不可得蓋猶太人猶善於經商而以巨富聞於天下也 嚴君之言曰吾國今日無商業之

時事采新彙選 第六卷 四 甲辰五月廿八日刊

可言徒見外國人以熟貨易吾生貨而已熟貨之利厚於生貨遠甚長此終窮不至吾國金錢盡流於外國不止今欲興商業必須急興實業學堂使少年熟習科學與美術斯為第一要著蓋吾國商業之衰一由於工業不興二由於母財不足知其故而思所以挽救之則商業可興矣演說既畢座鼓掌而散

論德人借湖演砲事 錄五月十四日新聞報

中國之失權由於地方官之不諳條約而各國之侵權即在於外交官之能背條約以為要求要求而中國允之則各國不能詰責其違約曰此固中國所特許也要求而中國不允則其本國可以諉為並無此事以免他國之生心